

rosolymis stupefacta, eos admirari & venerari visa est) extitisse in Syria & Iudæa præsertim crediderim, veluti circa annum à Christo passò 400. quæ fuit ætas monachorum fœcundissima, vt scribit Socrat. libro 6. cap. 7. Tunc enim certatim quisque in precio haberi studuit, & monachi nouas in dies professionis regulas excogitare cœperunt. Vnde *Σηλίδου*, & Armentarii monachi exorti. Meminerunt verò ante hæc tempora Hieronymus & Egesippus festi Nudipedalium, sed illud inter Iudæos obseruabatur mense septimo. Meminit etiam Tertullian. in Apologet. cap. 40. sed ab ethnicis fiebat. Vt hi hæretici nihil aliud quàm veterem Iudaismum & Paganismum coniunxisse inuexissèque dici possint, & in iis ipsis rebus christianam pietatem collocasse, quod planè blasphemum est. Hæc tamen heresin hodie profitentur cordigeri & Frânciscani, qui dicuntur superbè Maioris obseruantie. Sed superstitio nihil pensi habet, modò se sua que tueatur & commendet hominibus. Verba verò Tertulliani sunt hæc, Denique cùm ab imbribus æstiuæ, hyberna suspendunt, & annus in cura est, vos quidem quotidie pasti, statimque pransuri balneis & cauponis & lupanaribus operati, Aquilicia Ioui immolatitio, Nudipedia populo denunciatis, &c. Quæ omnia pulchrè cum monachorū moribus conueniunt. Sed ad alios notiorésque hereticos transeamus.

---

CAP. LXIX.

Donatistæ siue Montenses vnde primùm orti. Quos suæ sectæ vel defensores vel schismaticos habuerint. Circuncelliones qui fuerint. Denique Donatistarum erroris capita tria.

aa iij.